

NOTAT

Bergen, 05.01.2022

Løe på Nedre Myksvoll

Tysdag 16 November 2021 var Kulturverntenesta i Nordhordland på synfaring til gnr 65, bnr 1 på Nedre Myksvoll i Alver kommune. Bakgrunnen for synfaringa var at eigarane ville ha ei vurdering av kulturminneverdien til den gamle løa på garden.

Det blir opplyst at løa vart sett opp i 1880-åra. Dette er ei typisk løe for Nordhordlandsregionen; grindløe med murt flor under og vernemur mot sør. Det har seinare blitt bygd til ein flor mot aust. Denne er lafta i sinkenov.

Det er innvendig att delar av den gamle grindkonstruksjonen; stavar, betar, sneband og stavlegje, men elles er det det meste av nyare dato. Det er tørrmurkonstruksjonane i løa som gjev den kulturminneverdi.

I Nordhordland er det mange konstruksjonar i tørrmur; som vernemurar for våningshus, løer og naust, i jordkjellarar samt i rekke andre byggverk. Den utstrekke bruken av tørrmur er eit særtrekk for Nordhordland. Sjølv om slike konstruksjonar er vanlege å sjå i landskapet her forsvinn desse litt etter litt. Dels grunna manglande vedlikehald og dels på grunn av rivingsløyve. No er det lekasje i taket på løa på Nedre Myksvoll og eigarane ønskjer mellom anna å legge om taket for å hindre vidare forfall. Dette er ein føresetnad for at dei gamle murane skal kunne takast vare på. Om tak og veggjar kollapsar vil og murane litt etter litt ramle ned.

Løa på Nedre Myksvoll er ikkje registrert i SEFRAK (sekreteriatet for faste kulturminne i Noreg) og er elles ikkje verna på nokon måte, men tørrmurmurkonstruksjonane i dette bygget har kulturminneverdi.

Med Venleg helsing

Arild Sætre
Bygningsvernkonsulent/sivilarkitekt
Kulturverntenesta i Nordhordland

Museumssenteret i Hordaland
Salhusvegen 201
5107 Salhus

kulturverntenesta@muho.no
941 72 250

Org. nr. 971 349 743

muho.no